

Sarimoy–Jonkeldi elektr liniyasi

Mamlakat: **O‘zbekiston**

Loyiha raqami: **52874**

Faoliyat sohasi: **Energetika (Energy Eurasia MEA)**

Bildirishnoma turi: **Davlat**

Ekologik toifasi: **A**

Tasdiqlangan kuni: **2022-yil, 21-sentyabr**

Qaysi bosqichdali: **Konsepsiya muhokamadan o‘tgan**

Loyihaning qisqacha mazmuni chop etilgan sana: **2022-yil 16-may**

Loyiha mazmuni

Bank Sarimoy (Xorazm viloyati) va Jonkeldi (Buxoro viloyati) qishloqlari o‘rtasidagi 128 km masofaga 500 kV li havo elektr uzatish liniyasi va yangi 500 kV li ochiq taqsimlash qurilmasini 500 kV li Navoiy yuqori voltli elektr uzatish liniyasi bilan bog‘lovchi 2 km havo elektr uzatish liniyasi qurilishini moliyalashtirish uchun 47.1 million AQSH dollari miqdorida kredit ajratish imkoniyatini ko‘rib chiqmoqda. Mazkur loyiha “O‘zbekiston milliy elektr tarmoqlari” aksiyadorlik jamiyatiga (O‘MET) tomonidan amalga oshiriladi.

Loyiha maqsadi

Bu loyihaning amalga oshirilishi elektr uzatish tarmog‘ining ishonchliligi, samaradorligi va barqarorligini, shuningdek, elektr ta‘minoti sifati va xavfsizligini sezilarli darajada oshiradi. Loyiha Buxoro viloyatida barpo etilayotgan qayta tiklanuvchi energiya asosidagi elektr stansiyalarida ishlab chiqariluvchi elektr energiyasini milliy elektr tarmog‘iga o‘tkazishni ham osonlashtiradi.

O‘tish davri ta’siri

ETI 62

Loyiha o‘tish davri ta’sirining yashil va samarali boshqarish kabi sifatlariga sezilarli hissa qo‘shishi kutilmoqda.

Ushbu loyiha Buxoro viloyatidagi qayta tiklanuvchi energiya asosidagi elektr stansiyalarini milliy elektr tarmog‘iga ulashni qo‘llab-quvvatlash orqali qayta tiklanuvchi energiyani shu tarmoqqa

integratsiyalashuviga yordam beradi. Bundan tashqari, loyiha, ayniqsa, talab eng yuqori bo'lgan davrda tizimdagi yo'qotishlar va elektr ta'minotidagi uzilishlarni kamaytirish hisobiga hududning elektr energiyasi ta'minoti barqarorligini oshiradi. Mazkur loyiha mamlakatning qayta tiklanuvchi energiya manbalarini Buxoro va boshqa shimoliy hududlardan elektr energiyasi iste'molchilariga ishonchli va samarali yetkazib berishni ta'minlashi kerak bo'lgan zarur tarmoqni modernizatsiya qilish ishlarining tarkibiy qismi hisoblanadi. Ushbu loyiha doirasida YTTBning siyosiy muloqoti va texnik ko'magi, qayta tiklanuvchi energiya salohiyatini oshirishni hisobga olgan holda, elektr energiyasini taqsimlash bo'yicha mamlakatdagi joriy amaliyotni takomillashtirish orqali qayta tiklanuvchi energiyani milliy energetika tizimiga integratsiyalashuviga yordam berishi kutilmoqda.

Mijoz haqida

“O‘zbekiston milliy elektr tarmoqlari” aksiyadorlik jamiyati (O‘MET)

O‘MET – O‘zbekistondagi yuqori voltli elektr energiyasini uzatish va taqsimlash tarmog‘i uchun mas’ul bo‘lgan davlat energetika kompaniyasidir.

YTTBdan ajratiluvchi moliyaviy mablag‘lar

53 000 000,00 AQSH dollari

Loyihaning umumiy qiymati

53 000 000,00 AQSH dollari

Ekologik-ijtimoiy xulosa

A toifasiga kiritildi (ESP 2019). Yuqori kuchlanishli elektr uzatish liniyasining qurilishi ehtimoliy muhim ekologik va ijtimoiy ta'sirlar bilan bog'liq bo'lishi mumkin va u YTTBning Ekologik va ijtimoiy siyosati (“ESP”), milliy va Yevropa Ittifoqi qonunchilik hujjatlariga muvofiq to'liq Loyihaning atrof va ijtimoiy muhitga bo'lgan ta'sirini baholash (“ESIA”) o'tkazishni talab qiladi.

Shuningdek, bu loyihaning atrof muhitga ta'siri milliy darajada baholanishi va shu asosda tegishli ruxsatnomalar olinishi ham talab qilinadi.

Bu loyihaning Ekologik va ijtimoiy ekspertizasini (“ESDD”) o'tkazish va qo'shimcha ESIA hisoboti paketini tayyorlash uchun alohida mustaqil maslahatchi yollangan. ESIA hisoboti 2022-yilning 16-mart kuni e'lon qilingan.

Mazkur loyiha (i) Sarimoy (Xorazm viloyati) va Jonkeldi (Buxoro viloyati) qishloqlari o'rtasidagi 128 km masofaga 500 kV li havo elektr uzatish liniyasi va (ii) yangi 500 kV li ochiq taqsimlash qurilmasini 500 kV li Navoiy yuqori voltli elektr uzatish liniyasi bilan bog'lovchi 2 km havo elektr uzatish liniyasi qurilishini o'z ichiga oladi. Bu loyihaning amalga oshirilishi elektr uzatish tarmog'ining ishonchliligi, samaradorligi va barqarorligini, shuningdek, elektr ta'minoti sifati va xavfsizligini sezilarli darajada oshiradi. Loyiha mamlakat elektr uzatish tarmog'i uchun mas'ul bo'lgan davlat energetika kompaniyasi – “O‘zbekiston milliy elektr tarmoqlari” aksiyadorlik jamiyati (O‘MET) tomonidan amalga oshiriladi.

Loyihaning ESIA baholashi atrof muhit va ijtimoiy masalalar hamda Bankning loyiha talablarini ("PR") inobatga olgan holda o'tkazildi. Mustaqil o'tkazilgan Ekologik va ijtimoiy ekspertizada ("ESDD") tasdiqlanishicha, mazkur loyiha tuzilmasi Bankning loyiha talablari, milliy va Yevropa Ittifoqi qonunchilik hujjatlari talablariga mos keladi. Shuningdek ESIA'ning tarkibiy qismi sifatida, turli oqibatlarini kamaytirish bo'yicha qo'shimcha chora-tadbirlar Ekologik va ijtimoiy harakatlar rejasi ("ESAP") hamda Atrof-muhit, ijtimoiy boshqaruv va monitoring rejasi ("ESMMP") ishlab chiqilgan.

Ekologik va ijtimoiy ekspertizada ("ESDD") tasdiqlanishicha, ushbu loyihada Ekologik va ijtimoiy harakatlar rejasini ("ESAP") amalga oshirish natijasida hududning biologik xilma-xilligiga (shu jumladan qushlar faunasiga) sezilarli zarar yetkazilmaydi. Shu bilan birga, u ishchi kuchi oqimi va yerdan foydalanishga ta'siri nuqtai nazaridan PR 2 va PR 5 ga muvofiq kelishi tasdiqlandi. Loyihaning muhofaza qilinadigan zonalar yoki noyob o'simlik va hayvonlar mavjud bo'lgan muhim hududlarga ta'siri yo'q va uning amalga oshirilishi aholining bir joydan boshqa joyga ko'chishiga sabab bo'lmaydi. Loyihaga iqlim xavf-xatarlari jiddiy ta'sir qilmaydi va u Parij talablariga javob beradi.

Loyihaning yo'nalishini tanlash, uning yo'lida xususiy yer uchastkalariga biror zarar yetkazishning oldini olishga alohida e'tibor qaratildi. ESDD, shuningdek, tegishli muhofaza va yumshatish choralarini baholash va ishlab chiqish uchun 2021-yilning kuzi/2022-yil bahoridagi migratsiya mavsumida qushlar va ko'rshapalaklarning keng qamrovli tadqiqotlarini ham o'z ichiga oladi. Ular ESMMP va ESAP'ga kiritilgan.

Mazkur ESDD asosida loyihaga oid ma'lumotlarni oshkor qilish bo'yicha quyidagi hujjatlar ishlab chiqildi: Notexnik xulosa ("NTS"), Manfaatdor tomonlarni jalb qilish rejasi ("SEP") va Yerni tasarruf qilish va aholini ko'chirish mexanizmi ("LARF"). O'z korporativ boshqaruv tizimini mustahkamlash nuqtai nazaridan, Bank loyiha va ESAP ijrosini ta'minlash, shuningdek korporativ Ekologik, ijtimoiy va ma'muriy ("ESG") boshqaruv tizimlarini ishlab chiqish, buning natijasida esa, kelgusida barqaror rivojlanish haqidagi ma'lumotlarning oshkor qilinishini ta'minlash maqsadida O'MET bilan yaqindan hamkorlik qiladi.

Oshkor qiluvchi to'liq ESIA hisobotlari to'plamini **bu yerdan** yuklab olish mumkin.

Texnik ko'mak

Texnik ko'mak mablag'lari loyihaga tayyorgarlik ishlari, va uni amalga oshirishga, shuningdek, tartib-qoidalarini ishlab chiqishga yordam tariqasida so'ralishi mumkin.

Qo'shimchalilik sharti

YTTB ayni paytda tijorat manbalari bozorida muqobili bo'lmagan moliyalashtirishni oqilona shartlar asosida taklif etadi, chunki loyihani tuzilmalashtirish uchun bunday moliyalashtirish zarur hisoblanadi.

YTTB mijozga past uglerodli rejimga o'tish kabi uglerod chiqindilari xavfini kamaytirishga va iqlim o'zgarishiga qarshi kurash choralarini ko'rishga yordam beradi.

Shu bilan birga, YTTB mijozga ESG boshqaruvi tizimidagi kabi, ancha yuqori standartlarga erishishga yordam beradi.

YTTB loyiha maqsadlariga o'z vaqtida erishish uchun zarur bo'lgan tajriba, innovatsiya, bilim va/yoki imkoniyatlarni taqdim qiladi, jumladan, mijozlar salohiyatini oshirishni qo'llab-quvvatlaydi.

Kompaniyaga murojaat qilish uchun ma'lumot

Islombek Saparmatov

sarimay.jankeldi@gmail.com

+998 71 236-68-08

uzbekistonmet.uz

O'zbekiston Respublikasi, Toshkent shahri, Yunusobod tumani, Osiyo ko'chasi, 42-uy. Pochta indeksi: 100084.

O'tish davri nima

O'tish davri ta'sirini baholash bo'yicha YTTB yondashuvi haqidagi qo'shimcha ma'lumotni [mana bu havoladan](#) olishingiz mumkin.

Loyihalarda ishtirok etish uchun imkoniyatlar

Loyihada yoki xaridlarda ishtirok etish uchun mijoz kompaniyaga murojaat qiling.

YTTB bilan (xaridlarga oid bo'lmagan masalalarda) hamkorlik qilish uchun quyidagi telefon yoki elektron pochta orqali bog'laning:

Tel: +44 20 7338 7168

E-manzil: projectenquiries@ebrd.com

Davlat sektoridagi loyihalar uchun [YTTB xaridlari](#) sahifasiga o'ting:

Tel: +44 20 7338 6794

E-manzil: procurement@ebrd.com

Umumiy ma'lumotlar

Aniq so'rovlar [YTTB so'rovlar shakli](#) dan foydalangan holda berilishi mumkin.

Ekologik va ijtimoiy siyosat (ESP)

YTTB o'zining "ekologik jihatdan mas'ul va barqaror rivojlantirish" tashabbusini ilgari surishda [Ekologik va ijtimoiy siyosat](#) va uning tarkibiy qismi bo'lgan loyiha talablari (PR) Bank loyihasini amalda qo'llash tartibini belgilab beradi. ESP va PR tegishli milliy qonunchilik doirasida Bank mijozlarining keng jamoatchilikka axborot berishi va maslahatlashishini ta'minlash, shuningdek manfaatdor tomonlarning xavotirlari va shikoyatlarini, ayniqsa, ekologik va ijtimoiy muammolarni ko'rib chiqish va hal qilishga yordam beradigan mexanizmni yaratishdagi aniq talablarni o'z ichiga oladi. Loyihaning ekologik va ijtimoiy risklarni va ta'sirining mohiyati va ko'lamidan kelib chiqqan holda, zarurat tug'ilganda, YTTB o'z mijozlaridan qo'shimcha ravishda loyihalarning risklarni va ta'sirlari haqida ma'lumotni oshkor qilishni, shuningdek, manfaatdor tomonlar bilan batafsil fikr almashish va muammolar yuzasidan choralar

ko'rilishini talab qiladi.

Bu sohada YTTBning tajribasi bo'yicha qo'shimcha ma'lumotlar ESPning quyidagi [sahifasida](#) keltirilgan.

Ish faoliyatidagi halollik va belgilangan me'yorlarga rioya qilish

YTTBning muvofiqlik nazorati boshqarmasi (OCCO) Bankda mas'uliyatli boshqaruvga ko'maklashish bilan birga Bank faoliyatining barcha jabhalarida eng yuqori standartlarda ish olib borilishini va barcha jarayonlar ilg'or xalqaro tajribalarga muvofiq bo'lishini ta'minlaydi. Bankning barcha mijozlari uchun ularning ish faoliyatidagi halolligini tekshirishdan maqsad, Bank loyihalari uchun qabul qilinishi mumkin bo'lmagan huquqiy va nufuzga oid risklarga yo'l qo'yilmaslikdan iborat. Bank nuqtai nazariga ko'ra, loyihani dastlabki baholash va tasdiqlash bosqichida muammoli jihatlarni aniqlash va ularni bartaraf qilish Bank faoliyati nufuziga putur yetkazmaslikning eng samarali vositasidir. OCCO ushbu profilaktika chora-tadbirlarida muhim ahamiyatga egaligi bilan birga investitsiya qilinganidan keyingi davrda Bankning nufuziga xavf soladigan risklarni nazorat qilishga yordam beradi.

OCCO, shuningdek, YTTB tomonidan moliyalashtirilayotgan loyihalar doirasidagi firibgarlik, korrupsiya va lavozimni suiiste'mol qilish bo'yicha ma'lumotni tekshiruvchi mas'ul hisoblanadi. Agar kimningdir Bank ichida yoki undan tashqarida firibgarlik yoki korrupsiya holatlari kuzatilayotganligi haqida gumoni bo'lsa, u muvofiqlik nazorati boshqarmasi boshlig'iga bu holat haqida yozma tarzda compliance@ebrd.com elektron pochta orqali xabar qilishi lozim. Barcha bildirilgan daliliy ma'lumotlar tegishli choralar ko'rish uchun OCCO tomonidan ko'rib chiqiladi. Barcha xabarlar, shu jumladan anonim tarzda xabarlar ham tekshirib chiqiladi. Bu turdagi xabarlar istalgan tilda, jumladan Bank faoliyat ko'rsatayotgan mamlakatdagi rasmiy tilda tayyorlanishi mumkin. Bunday ma'lumotlar yaxshi niyatni ko'zlashi maqsadga muvofiqdir.

Axborotdan erkin foydalanish siyosati (AIP)

2020-yilning 1-yanvarida kuchga kirgan IAP YTTBning strategiyalari, siyosatlari va amaliyotlarini yaxshiroq tushunish va bilishga ko'maklashish uchun manfaatdor tomonlarga ma'lumotlarni ochiqlash bilan birga maslahatlashuvlar tartibini belgilab beradi. YTTB veb-saytidan qanday ma'lumotlar olish mumkinligini bilish uchun [Axborotdan foydalanish siyosati](#) sahifasiga o'ting.

Muayyan savollaringizni [YTTBning ma'lumot so'rovi](#) orqali yuborishingiz mumkin..

Loyiha hisobdorligi mustaqil mexanizmi (IPAM)

Agar jismoniy yoki yuridik shaxslarning ekologik-ijtimoiy sohadagi yoki axborotni oshkor qilish borasidagi xavotirlarini (masalan, loyiha darajasida mijozlar tomonidan yaratilgan shikoyatlar mexanizmi yoki Bankning amaliyot boshqaruvi bilan bevosita o'zaro aloqa qilish orqali) qanoatlantirishga bo'lgan urinishlari samarasiz bo'lsa, ular YTTBning Loyiha hisobdorligi mustaqil mexanizmi ya'ni IPAM yordamida o'zlarining o'sha xavotirlarini bildirishlari mumkin.

IPAM, arizachilarning fikriga ko'ra, zarar yetkazishga ulgurgan yoki kelajakda zarar yetkazishi mumkin bo'lgan loyihaning muammolarini mustaqil ravishda baholaydi. Ushbu mexanizmning maqsadi loyihaning manfaatdor tomonlari o'rtasida ekologik, ijtimoiy va axborotni ommaviy oshkor qilish bo'yicha muammolarini hal etishdagi murosani qo'llab-quvvatlash, Bank o'zining [Ekologik va ijtimoiy siyosatiga](#) yoki [Axborotdan erkin foydalanish siyosati](#) ning loyihaga oid tartiblariga rioya qilayotganini tekshirish va zarur hollarda, kelajakda ushbu qoidalarga rioya qilmaslik holatlarini bartaraf etish, shuningdek, Bank tomonidan kelgusida bunday holatlarning oldini olishdan iborat.

IPAM va uning vakolatlari haqida batafsil ma'lumot olish, ko'rib chiqilishi kerak bo'ladigan [shikoyatlarni jo'natish](#) uchun [Loyihalar bilan bog'liq shikoyatlarni ko'rib chiqish mexanizmi veb-saytiga](#) kirishingiz yoki

tavsiyalar olish hamda IPAM haqida qo'shimcha ma'lumot olish va shikoyat jo'natish uchun ipam@ebrd.com elektron pochta orqali biz bilan bog'lanishingiz mumkin.